



Broj: 15-03-16-5-26-27/20
Datum: 29.5.2020. godine

Na osnovu člana 61. Zakona o upravi („Službeni glasnik BiH“, br. 32/02, 102/09 i 72/17), člana 70. stav 1. Zakona o javnim nabavkama („Službeni glasnik BiH“, broj 39/14) i člana 19. Zakona o Agenciji za identifikaciona dokumenta, evidenciju i razmjenu podataka Bosne i Hercegovine („Službeni glasnik BiH“, broj 56/08), direktor Agencije za identifikaciona dokumenta, evidenciju i razmjenu podataka Bosne i Hercegovine donosi:

ODLUKU
o izboru najpovoljnijeg ponuđača

Član 1.

Najpovoljniji ponuđač u postupku javne nabavke samouništavajućih naljepnica objavljenom na *web* portalu Agencije za javne nabavke Bosne i Hercegovine, broj Obavještenja o nabavci 1110-1-1-8-3-28/20 od 12.3.2020. godine, koji je proveden otvorenim postupkom, je **GRAFOTEX d.o.o. Banjaluka**.

Član 2.

Ova odluka će se dostaviti ponuđačima u roku od tri (3) dana, a najkasnije u roku od sedam (7) dana od dana donošenja.

Član 3.

Ova odluka stupa na snagu danom donošenja.

O b r a z l o ž e n j e

Nakon preduzetih aktivnosti, Komisija za provođenje postupka javne nabavke je konstatovala je da je rok za dostavljanje ponuda 23.4.2020 godine do 10:00 sati, te da je do navedenog roka na protokol Agencije za identifikaciona dokumenta, evidenciju i razmjenu podataka Bosne i Hercegovine (u daljem tekstu: Agencija) pristiglo pet (5) ponude i to ponuđača: SARTORIUS LIBRA ELEKTRONIK d.o.o. Sarajevo, GRAFOTEX d.o.o. Banja Luka, D.B.S. d.o.o. Banjaluka, grupe ponuđača CETIS d.d. Celje, Slovenija i MERIDIAN a.d. Banjaluka i grupe ponuđača PROINTER ITSS d.o.o. Banjaluka i KONEKT d.o.o. Laktaši. Neblagovremenih ponuda nije bilo.

Prema specifikaciji navedenoj u Tenderskoj dokumentaciji, a nakon provedenog postupka analize i ocjene ponuda Komisija je izradila Zapisnik o pregledu i ocjeni ponuda, a u kojem su detaljno obrazloženi razlozi za izbor najpovoljnijeg ponuđača.



Zapisnički je utvrđeno da ponuda ponuđača SARTORIUS LIBRA ELEKTRONIK d.o.o. Sarajevo ne sadrži dokaze kako su traženi tačkama 6.3.1. i 6.4.1. Tenderske dokumentacije, odnosno dostavio je ovjerenu kopiju zadnje strane izvoda iz sudskog registra, ali neuvezan sa ostalim kopiranim stranicama koje nisu ovjerene, zbog čega se navedeni dokaz ne može uzeti kao dostavljen u originalu ili ovjerenoj kopiji, te je dostavio skeniranu običnu kopiju potvrde o urednom izvršenju ugovora, a ne u originalu ili ovjerenoj kopiji kako je traženo Tenderskom dokumentacijom. Zbog navedenog Komisija je odbacila ponudu ponuđača kao nekvalifikovanu.

Komisija je dalje utvrdila da su ponude ponuđača GRAFOTEX d.o.o. Banja Luka, D.B.S. d.o.o. Banjaluka, grupe ponuđača CETIS d.d. Celje, Slovenija i MERIDIAN a.d. Banjaluka i grupe ponuđača PROINTER ITSS d.o.o. Banjaluka i KONEKT d.o.o. Laktaši kvalifikovane i prihvatljive, te da ispunjavaju sve zahtjeve u pogledu opisa predmeta nabavke i tehničkih specifikacija.

Analizom ponuda, nakon održane okončane *e-aukcije*, primjenom preferencijalnog tretmana domaćeg i kriterijuma najniže cijene, Komisija je utvrdila da je najpovoljnija ponuda ponuđača Grafotex d.o.o. Banjaluka, **sa ukupnom cijenom od 34.500,00 KM bez PDV-a, odnosno 40.365,00 KM sa PDV-om**, te s obzirom da ista u ekonomskom i tehničkom smislu u potpunosti zadovoljava zahtjeve Agencije data je preporuka da se donese odluka o izboru ovog ponuđača za najpovoljnijeg.

Na osnovu prijedloga Komisije, odlučeno je kao u dispozitivu ove odluke.

Pouka o pravnom lijeku: Protiv ove odluke pravo žalbe ima svaki privredni subjekat koji ima ili je imao interes za dodjelu ugovora o javnoj nabavci i koji učini vjerovatnim da je u konkretnom postupku javne nabavke bila ili je mogla biti prouzrokovana šteta zbog postupanja Agencije, a što se u žalbi navodi kao povreda zakona i podzakonskih akata od strane ugovornog organa u postupku javne nabavke. Žalba se izjavljuje u roku od deset (10) dana od dana prijema ove odluke. Žalilac izjavljuje žalbu Kancelariji za razmatranje žalbi Bosne i Hercegovine putem Agencije, u pisanoj formi direktno ili preporučenom poštanskom pošiljkom. Žalba se podnosi u dovoljnom broju primjeraka, a koji ne može biti manji od tri (3).



DIREKTOR
Dr. sc. Arif Nanić

Signed by: ANANIC
digitalno potpisano / digitally signed